



Indgået

22 FEB. 2017

Inatsisartunut ilaasortaq,
Michael Rosing, Demokraatit
/MAANI

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Killsaatini hashi pillugu § 37_077_2017-imut akissut (aappasaanik nassiussaq)

Inatsisartut suleriaasissaanni § 37, imm. 1 naapertorlugu Naalakkersuisunut ataani allasimasunik apeqquteqaateqarsimavutit. Apeqqutigineqartut uannit akisassanngortinneqarsimapput.

1. "Naalakkersuisut tamarmik aalajangeeqataaffigisimanerlugu aalisartitseqatigiiffiit aalisarnissamut akuersissummut itigartinneqarsinnaasut, sulisui hashimik anngiortumik eqqussisimappata aalisartitseqatigiiffiup umiarsuaatai atorlugit?"

2. "Naalakkersuisut isumaqarpat sullivik pillarneqarsinnaassasoq sulisup pinerluutigisimasaa pissutigalugu?"

3. "Naalakkersuisut isumaqarpat naalagaaffittut inatsisit tunngavigalugit aqunneqartutut taaneqartuaannarsinnaassasuut allaffissornikkut sulliviit akuersissutaannik arsaartassagutsigit sulsuisa pinerluuteqarsimanerat pissutigalugu?"

Apeqqutinut akissutit:

Ilaasortap apeqqutaanut akissut nassiunneqareersimasoq pineqarmat, ataani tulluuttuni apeqqutit oqaasertaat oqaasertaliunneqartullu naapertorlugit akissuteqarfigissavakka.

1-imut. Naalakkersuisut oqarnikuunngillat, aalisariutillit aalisarsinnaanermut akuersissutinik tunineqarnissaminnik itigartinneqarsinnaasut. Uangani Naalakkersuisunut ilaasortatut oqarpunga, isumaliutigineqarsinnaassasoq, akuersissutinik aamma pisassiissutinik tunniussisarnermut malittarisassat sukaterneqarnissaat.

2-mut. Naalakkersuisut oqarnikuunngillat, suliffeqarfik pinerluummumut sulisumik pillarineqarsimasumut pineqaatissinneqarsinnaasariaqartoq. Uanga isumaqarpunga, 2017-imi § 37 naapertorlugu apeqqutip normu 043-p akineqarnerani apeqqut sukumiisumik akineqareernikuusoq.

21-02-2017
Sullap nr. 2017-3216
Takussutissiaq nr. 1

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

3-mut. Kalaallit Nunaat inatsisit tunngavigalugit naalagaaffiuvoq. Akuersissutini arsaarinninnerit inatsisit Inatsisartunit akuerineqarsimasut aamma Tunngaviusumik inatsit naapertorlugit kiisalu eqqartuussisulersuussisarnermi ileqqorissaarnissaq eqqarsaatigalugu pisimatillugit, taava Kalaallit Nunaat suli naalagaaffiuvoq inatsisit tunngavigalugit naalakkersugaasoq.

Inussiarnersumik inuulluaqqusillunga


Hans Enoksen

Aalisarnermut Piniarnermullu Naalakkersuisoq